

佚存叢書

叢
563
15



14

新編
木村榮市君
贈此書以為
其先考紀念
維時明治三
十九年九月
圖書



唐才子傳卷第八目錄

李 郢

儲嗣宗

劉 滄

陳 陶

鄭 巢

于武陵

來 鵬

温庭筠

紀唐夫

魚玄機

邵 謁

于 潰

李昌符

翁 綬

汪 遵

沈 光

趙 牧

劉光遠

羅 鄴

胡 曾

李山甫

曹 唐

皮日休

陸龜蒙

司空圖

僧虛中

顧栢蟾

周 繇

張 演

唐才子傳卷第八
西域 辛林良史 撰
李郢
郢字楚望大中十年崔鏘榜進士及第初居餘杭出
有山水之興入有琴書之娛疏於馳競歷為藩鎮從
事後拜侍御史郢工詩理密辭閑字字珠玉清麗處
極能寫景狀懷每使人竟日不能釋卷與清塞賈島
最相善時塞還俗聞島尋卒郢重來錢塘音響俱絕
感而賦詩曰卻到城中事事傷惠休還俗賈生亡誰
人收得詞章篋獨我重經苔蘚房一命未霑為逐客

唐才子傳卷第八

西域 辛林良史 撰

李郢

郢字楚望大中十年崔鏘榜進士及第初居餘杭出
有山水之興入有琴書之娛疏於馳競歷為藩鎮從
事後拜侍御史郢工詩理密辭閑字字珠玉清麗處
極能寫景狀懷每使人竟日不能釋卷與清塞賈島
最相善時塞還俗聞島尋卒郢重來錢塘音響俱絕
感而賦詩曰卻到城中事事傷惠休還俗賈生亡誰
人收得詞章篋獨我重經苔蘚房一命未霑為逐客

唐才子傳
萬緣初盡別空王蕭蕭竹塢殘陽在葉覆閒階雪擁
牆其他警句率類此有集一卷今傳

儲嗣宗

嗣宗大中十三年孔緯榜及第與顧非熊先生相結
好大得詩名苦思夢索所謂逐句留心每字著意悠
然皆塵外之想覽其所作如見其人警聯如綠毛辭
世女白髮入壺翁又片水明在野萬華深見人又黃
鶴有歸語白雲無忌心又蟬鳴月中樹風落客前花
又池亭千里月煙水一封書又鶴語松上月花明雲
裏春又一酌水邊酒數聲花下琴又宿草風悲夜荒

村月弔人哭彭先生云空階鶴戀丹霄影秋雨苔封
白石牀題閒居云鳥啼碧樹閒臨水花滿青山靜掩
門等句皆時流所當避舍者也有集一卷今傳

劉滄

滄字蘊靈魯國人也體貌魁梧尙氣節善飲酒談古
今令人終日不倦慷慨懷古率見詩篇大中八年禮
部侍郎鄭薰不進士榜後謁謝薰謂曰初謂劉君銳
志一第不足介其意別來三十載不相知聞誰謂今
白髮紛紛矣調業原尉與李頻同年詩極清麗句法
絕類趙嘏許渾若出一絢綜然詩一卷今傳

陳陶

陶字嵩伯鄱陽劔浦人舉進士輒見擯爲詩云中原不是無麟鳳自是皇家結網疎頗負壯懷志遠心曠遂高尙不求進取恣遊名山自稱三教布衣大中中避亂入洪州西山學神仙咽氣法雖出入無間時嚴尙書字牧豫章慕其清操嘗備齋供俯就山中揮談終日而欲試之遣少妓蓮花往侍陶笑不答蓮花賦詩求去曰蓮花爲號玉爲顥珍重尙書送妾來處士不生巫峽夢虛勞雲雨下陽臺陶賦詩贈之云近來詩思清於水老去風情薄似雲已向升天得門戶錦

衾深愧卓文君字見詩益嘉貞節陶胎息已堅轆轤通澈夜必鶴氅焚香石上鳴金步虛拜禮星斗達旦不寐茅屋中風雷洶洶不絕忽一日不見惟鼎竈杵臼依然開竇間有樵者入深谷猶見無恙後不知所終陶工賦詩無一點塵俗氣於晚唐諸家中最得平淡趣非時流所能企及者有文錄十卷今傳於世

鄭巢

巢錢塘人大中間舉進士時姚合號詩宗爲杭州刺史巢獻所業日遊其門屢陪登覽燕集大加獎重視如門生然性疎野喜游覽兩浙名山古寺探幽尋勝

徧歷無遺所交多名僧相與往還酬酢無虛日其爲詩格摹先哲伏膺無數句意清新竟不仕而終詩傳

于武陵

武陵名鄴以字名杜曲人也大中時嘗舉進士不得志攜書琴往來商洛巴蜀間或隱於賣卜中存獨醒之意時常嘿嘿語不及榮貴少與時輩交遊嘗南來至瀟湘愛河洲芳草是古騷人舊國風景不殊欲卜居未果歸老嵩陽別墅詩多五言興趣飄逸皆感發性情之作每終篇一意策名當時集一卷今傳

來鵬

鵬豫章人家徐孺子亭邊得園林樂趣師韓柳爲文中咸通間才名藉甚工詩蓄銳旣久自傷年長家貧不達未免忿忿因多寓意譏訕當路雖賞清麗總形觸忤遂爲世忌如金錢花云青帝若教花裏用牡丹應是得錢人夏雲云無限旱苗枯欲盡悠悠閒處作奇峯偶題云可惜青天好雷電只能驚起懶蛟龍坐是凡十上不得第韋宙尙書獨賞其才延待幕中攜以遊蜀又欲納爲壻不果是年力薦於主司鵬獻詩有云一夜綠荷風剪破嫌它秋雨不成珠宙以爲不祥果失志時遭廣明庚子之亂鵬避地遊荆襄艱

唐才子傳卷之四
四
難險阻南返中和客死於維揚逆旅主人賢收葬之
有詩一卷今傳於世

温庭筠

庭筠字飛卿舊名岐并州人宰相彥博之孫也少天
資敏悟能走筆成萬言善鼓琴吹笛曰有弦卽彈有
孔卽吹何必爨桐與柯亭也豔詞妙曲與李商隱齊
名時號温李才思綺麗尤工律賦每試押官韻燭下
未嘗起草但籠袖凭几一韻一吟而已場中稱爲温
八吟能八义手成八韻又稱温八义每爲鄰舍捉刀
然薄行無檢與貴胄裴誠令狐滈等飲博夜遊嘗醉

詬狹邪途遇邏卒被辱折齒訴不得理舉進士數上
又不第出入令狐相國書館中待遇甚優時宣宗喜
歌菩薩蠻絢假其新詞進之戒令勿泄而遽言於人
絢又嘗問玉條脫事對以出南華經且曰非僻書相
公變理之暇亦宜覽古又有詩曰中書省內坐將軍
譏絢無學由是漸疎之乃自傷云因知此恨人多積
悔讀南華第二篇徐商鎮襄陽辟巡官不得志遊江
東大中末山北沈侍郎主文特召庭筠試於簾下恐
其潛爲人代庖薄莫先請出仍獻啟千餘言且已占
授八人矣執政因鄙其所爲留長安中待除宣宗微

行遇於傳舍庭筠不識傲然詰之曰公非司馬長史流乎又曰得非文參簿尉之類帝曰非也卒不得達後謫方城尉中書舍人裴坦當制忤慨含毫久之始曰孔門以德行居先文章爲末爾旣早隨大吏宿負雄名徒誇不羈之才罕有適時之用放騷人於湘浦移賈誼於長沙尙有前席之期未爽抽毫之思庭筠之官文士詩人爭賦詩祖餞進士紀唐夫最擅場曰鳳凰詔下雖霑命鸚鵡才高卻累身唐夫固素有詞名者庭筠仕終國子助教竟流落而死今有漢南真稿十卷握蘭集三卷金筌集十卷詩集五卷學海三十卷採茶錄一卷及著乾牋于一卷序云不爵不觥非魚非炙能說諸心庶乎乾牋之義等並傳於世

魚玄機

玄機長安人女道士也性聰慧好讀書尤工韻語情致繁縟咸通中及笄爲李億補闕侍寵夫人妬不能容億遣隸咸宜觀披戴有怨李詩云易求無價寶難得有情郎與李郢端公同巷衡茅相望詩筒往反復與溫庭筠交遊有相寄篇什嘗登崇真觀南樓觀新進士題名賦詩曰雲峯滿目放春情慙慙銀鈎指下生白恨羅衣掩詩句舉頭空羨榜中名觀其志意激

唐九十一傳
切使作男子必爲有用之才識者頗賞憐之時京師
諸官宦女郎皆清俊秀美簪星曳月各以吟詠遣懷
惟立機傑出多見酬酢云有詩集一卷今傳

邵謁

謁韶州翁源縣人少爲縣廳吏客至倉卒令怒其不
措牀迎待逐去遂截髻着縣門上發憤讀書書堂距
縣十餘里絕迹市塵謁平居如里中兒未冠者髮鬢
髻野服苦吟工古調咸通七年抵京師隸國子時温
庭筠主試憫擢寒素乃榜謁詩三十餘篇以振公道
曰進士邵謁識畧精微堪裨教化聲詞激切曲備風

謠標題命篇時所難及燈燭之下雄辭卓然允宜榜
示衆人不敢獨私華藻仍請申堂并榜禮部已而釋
褐赴官後不知所終它日縣民祠神者持幘舞鈴忽
自稱邵先輩降鄉里父老皆至作禮問曰今先生降
臨能見賜佳章乎巫卽書一絕云青山山下少年郎
失意當時別故鄉惆悵不堪回首望隔溪遙見舊書
堂詞意凄婉音韻蒼涼鄉老中曉聲韻者至爲感泣
咨嗟今有詩一卷傳於世

于潰

潰字子漪咸通二年裴延魯榜進士患當時作詩者

唐才子傳卷八 七
拘束聲律而入輕浮故作古風三十篇以矯弊俗自
號逸詩今一卷傳於世○觀唐詩至此弊亦極矣獨
奈何國運將弛士氣日喪文章隨世運轉移嘲雲戲
月刻翠粘紅不見補於采風無少裨於化育徒務巧
於一聯或伐善於隻字說心快口何異秋蟬亂鳴也
于潰邵謁劉駕曹鄴等能反棹下流發聾振聵置祿
秩於度外患大雅之凌遲使耳厭鄭衛而忽洗雲和
心醉醕醲而乍爽明況所謂清清泠泠愈病析醒入
空谷者聞人足音不亦快哉晉處士戴顓春日攜斗
酒往樹下聽鸝簧曰此俗耳鍼砭詩腸鼓吹者豈徒
然哉今於數子亦云

李昌符

昌符字若夢咸通四年禮部侍郎蕭倣下進士工詩
在長安與鄭谷酬贈仕終膳部員外郎嘗作奴婢詩
五十首有云不論秋菊與春花了了能噎空肚茶無
事莫教頻入庫每般閒物要些些等句後爲御史劾
奏以爲輕薄遂疑其所爲文多妨政務虧嚴重之德
開誹謗之風謫去匏繫終身有詩集一卷行于世

翁綬

綬咸通六年中書舍人李蔚下進士工詩多近體變

唐才子傳卷八
九
古樂府者音韻嘹唳風骨遒勁晚唐之移習也惜遭
偃蹇名不甚顯固知閭巷之人欲砥行立名者非附
青雲之士惡能施於後世哉有詩今傳

汪遵

遵宣州涇縣人幼爲小吏晝夜讀書良自克苦人莫
知者咸通七年韓衮榜進士初與鄉人許棠友善工
爲絕詩而深自晦密以家貧無書必借於人徹夜強
記棠實不知一旦辭役就貢棠時先在京師偶送客
至灞滻間忽遇遵於途行李蕭然棠訊之曰汪都何
事來遵曰來就貢棠怒曰小吏不忤而欲與棠同研

席乎甚侮慢之後遵成名五年棠始及第洛中有李
德裕之平泉莊佳景殊勝李未幾坐事貶朱崖遵過
題詩曰平泉風景好高眠水色嵐光滿目前剛欲平
它不平事至今惆悵滿南邊又過楊相宅詩云倚伏
從來事不遙無何平地起青霄青霄纔到卻平地門
對古槐空寂寥俱爲時人稱賞其餘警策類是有集
今傳○汪遵涇之小吏耳拔身卑污馳譽文苑家貧
借書以夜繼日古人鑿壁偷光殆不過此昔是泥中
之石今爲席上之珍丈夫自修不當如是耶與夫朱
門富家積書萬卷束諸高閣塵暗籤軸蠹落帙帷網

唐才子傳卷八
北
好學之名欺盲聾之俗負百城之擁無一展之期諺
曰金玉有餘買鎮宅書嗚呼哀哉

沈光

光吳興人咸通七年禮部侍郎趙隱下進士工文章
古詩標格翹楚大得美稱嘗作洞庭樂賦韋岫見之
曰此乃一片宮商也又如太白酒樓記等文皆儀表
於世有詩集及雲夢子五卷並傳光風鑑澄爽神情
俊逸後仕終侍御史云

趙牧

牧不知何處人大中咸通中累舉進士不第有俊才
負奇節遂捨場屋放浪人間効李長吉爲歌詩頗涉
狂怪聳動當時蹙金結繡而無點染痕迹其餘巧妙
之詞甚多同時有劉光遠亦慕長吉凡擬其體均能
獨抒意緒後皆不知所終俱有詩傳世

羅鄴

鄴餘杭人也父爲鹽鐵吏家貲鉅萬子二人俱以文
學干進鄴尤長律詩時同宗有隱與虬者俱以聲律
著稱遂齊名號三羅隱雄麗而坦率鄴清致而聯綿
虬則區區而已咸通中數下第鄴有詩云故鄉依舊
空歸去帝里如同不到來崔安潛侍郎廉問江西鄴

適飄蓬湘浦崔素賞其作志在弓旌而爲幕吏所沮
旣而俯就督郵不得志踉蹌北征赴職單于牙帳去
家愈遠萬里沙漠滿目誰親志未伸於邑而卒惜哉
○鄴素有英資筆端超絕其氣宇亦不在諸名公下
初無箕裘之訓頓振門風崛起音韻馳譽當時非易
事也而跋前疐後絕域無聊獨奈其命薄何孔子曰
才難信然有詩集一卷今傳

胡曾

曾長沙人也咸通中進士初屢下第有詩云翰苑幾
時休嫁女文章早晚罷生兒上林新桂年年發不許
閒人折一枝曾天分高爽意度不凡薄視人間富與
貴悠悠遨歷四方馬蹟窮歲月所在必公卿館穀上
交不諂下交不瀆奇士也嘗爲漢南節度從事作詠
史詩皆題古君臣爭戰廢興塵跡徧覽形勝關山亭
障江海深阻一一可賞人事雖非風景猶昨每感輒
賦俱能使人振奮至今庸夫孺子亦知傳誦後有擬
効者不逮矣至於近體律絕等哀怨淒楚曲盡幽情
擢居翰苑不過也惜其才茂而身未穎脫痛哉今詠
史詩一卷有咸通中人陳蓋註及安定集十卷行世

李山甫

山甫咸通中累舉進士不第落魄有不羈才鬚髯如戟能爲青白眼生憎俗子尙豪俠雖簞食豆羹晏如也爲詩多託諷不得志輒狂歌痛飲拔劔斫地少攄鬱鬱之氣後流寓河朔間依樂彥積爲魏博從事不洽衆情以陵傲之故卒無所遇嘗作老將詩曰校獵燕山經幾春雕弓白羽不離身年來馬上渾無力望見飛鴻指似人自傷其蹇薄無成也時人憐之後不知所終山甫詩文激切耿耿有豪氣多感時懷古之作今詩集一卷賦二卷並傳

曹唐

唐字堯賓桂州人初爲道士工文賦詩大中間舉進士咸通中爲諸府從事唐與羅隱同時才名並擅唐始起清流志趣澹然有凌雲之骨追慕古仙子高情往往有奇遇之事才思不減古人遂作大遊仙詩五十篇又小遊仙詩等紀其悲歡離合之致大播于時嘗會隱各論近作隱曰聞兄遊仙之製甚佳但中聯云洞裏有天春寂寂人間無路月茫茫乃是鬼耳唐笑曰足下牡丹詩若教解語應傾國任是無情也動人此何若也於是座客大笑唐平生壯志激昂至是薄宦頗自鬱悒作病馬詩以自况警聯如尾盤夜雨

紅絲脆頭摔秋風白練低又云風吹病骨無驕氣土
蝕驄花見卧痕又云飲驚白露泉花冷喫怕清穉豆
葉寒皆膾炙人口忽一日晝夢仙女鶯服花冠衣如
煙霧倚樹吟唐所詠天台劉阮詩欲相招而去唐驚
覺頗怪之明日暴病卒亦感憶之所致也有詩集二
卷今傳于世○人云有德者或無文有文者或無德
文德兼備古今所難輿論謂文人相輕從古而然各
以所長相輕所短矛盾之極則是非鋒起奮始於毫
末禍大於邱山前後類此多矣夫以口舌常談無益
無損每至喪清德負良友承輕薄子之名乏藏疾匿

瑕之量如此則德業未見其宏者矣故君子所慎也

皮日休

日休字襲美一字逸少襄陽人隱居鹿門山性癖嗜
詩酒號醉吟先生又自稱醉士且傲誕又號問氣布
衣言已爲天地之間氣也以文章自負尤善箴銘咸
通八年禮部侍郎鄭愚下及第爲著作郎遷太常博
士時值末年虎兕出柙百姓手足無措上下所行皆
悖亂之事遂作鹿門隱書六十篇多譏切謬政有云
毀人者自毀之譽人者自譽之又曰不思而立言不
知而定交吾其憚也又曰古之殺人也怒今之殺人

也笑又曰古之置吏也將以逐盜今之置吏也將以爲盜等皆有所指云爾日休性冲泊無營臨難不懼乾符喪亂東出關爲毘陵副使陷巢賊中巢惜其才授以翰林學士日休惶恐跼蹐欲死未能劫令作讖文以惑衆曰欲知聖人姓田八二十一欲知聖人名果頭三屈律賊疑其懷恨譏已遂殺之臨刑神色自若人無知不知皆痛惋也日休在鄉里與陸龜蒙交擬金蘭日相贈和自集所爲文十卷名文藪及詩集一卷滑臺集七卷又著皮氏鹿門家鈔九十卷並傳○夫次韻唱酬其法不古元和以前未之見也暨令

狐楚薛能元稹白樂天集中稍稍開端彼此相和之什間作間輟逮日休龜蒙則颺流頓盛猶空谷有聲隨響卽答韓渥吳融以後守之愈篤汗漫而無禁矣於是天下翕然順下風而趨至數十反而不已莫知非焉夫才情斂之在方寸散之彌八紘遣意於一時寄興於四表或上下出入縱橫流散游刃所及孰非我有本無拘縛恣憑之忌也今則限以聲韻循其次第得佳韻則杳不相干咀晤難入有妙義則韻不能強棄置不顧必至窘束長才拘守成法求無瑕片玉千不獲一詩家之大弊也更以取巧稱工誇多鬪麗

遂見其少雍容之度然前修有恨其迷途既遠無法以救之者矣

陸龜蒙

龜蒙字魯望姑蘇人幼而聰悟有高致明春秋善屬文尤好談笑詩法江謝名振全吳家藏書萬卷并無聲色之娛舉進士不得志嘗從張搏遊歷湖蘇二州將辟以自佐又嘗至饒州三日無所詣刺史率官屬就見龜蒙不樂拂衣去居松江甫里多所撰論有田數百畝屋三十楹田低遭雨澇則與江通故常患飢常自舂鍤菘刺無休時或譏其勞曰堯舜黷瘠禹胼

胝彼聖人也吾一褐衣敢不勤乎性嗜茶嘗置小園顧渚山下歲入茶租薄爲甌蟻之費著書一編繼茶經茶訣於後又判品章又新水說爲七種好事者雖慧山虎邱松江不遠百里爲致之又喜與流俗交雖造門亦罕納不乘馬每寒暑得中體無事時放扁舟挂蓬席齋束書茶竈筆牀釣具鼓擢鳴榔太湖三萬六千頃水天一色直入空明或往來別浦所詣少不會意徑往不留自稱江湖散人又號天隨子甫里先生漢涪翁漁父江上丈人嘗謂設有以高士徵亦不至苦吟極清麗與皮日休爲耐久交中和初遘疾

唐六十一傳
卒吳融誅文曰霏漠漠淡淡消消春融冶秋鮮妍觸卽
碎潭下月拭不滅玉上煙今有笠澤叢書三卷詩編
十卷賦六卷竝傳

司空圖

圖字表聖河中人也父輿大中時爲商州刺史圖咸
通十年歸仁紹榜進士主司王凝初典絳州圖時方
應舉自別墅到郡以請謁闈吏遽申司空季才出郭
門後入郭訪親知卽不造郡齋公謂其尊敬愈重之
及知貢擢圖第四人同年鄙薄者謗曰此司空圖得
一名也公聞之因宴金榜宣言曰凝叨忝文柄今年

榜帖專爲司空先輩一人而已由是名益振未幾凝
爲宣歙觀察使辟置幕府召拜殿中侍御史不忍去
疑府臺劾左遷主簿盧相攜還朝過陝號訪圖深愛
重留詩曰氏族司空貴官班御史雄老夫如且在未
可歎途窮就屬於觀察使盧渥曰司空御史高士也
渥遂表爲僚佐攜執政召拜禮部員外郎尋遷郎中
丁黃巢亂間關至河中僖宗次鳳翔知制誥中書舍
人景福中拜諫議大夫不赴昭宗在華州召爲兵部
侍郎以足疾自乞退歸圖家木中條山王官谷有先
人田廬遂隱不出作亭榭素室悉畫唐興節士文人

唐才子傳卷八
像嘗曰某宦情蕭索任事無能量才一宜休揣分二
宜休耄而贖三宜休遂名其亭曰三休作文以伸志
自號知非子耐辱居士深自韜晦欲免當時之禍初
以風雨夜得古寶劍慘淡精靈嘗佩出入性喜吟舉
筆緣興幾千萬言摩盪於繩檢之外豫置冢棺遇勝
日引客坐壙中賦詩酌酒縱醉高歌客有難者曰君
何不廣耶生死一致吾寧暫遊此中哉每值祠禱與
閭里父老鼓舞相樂時寇盜充斥所過虜紛獨不入
谷中知圖賢如古王蠋也士民依以避難後聞哀帝
遇弑不食扼腕嘔血數升而卒年七十有二先撰自

祭文於濯纓亭一鳴窗今有一鳴集三十卷行於世

僧虛中

虛中袁州人少脫俗入禪學然讀書吟詩不輟居玉
笥山二十寒暑後來遊瀟湘與齊己顧栖蟾爲詩友
住湘西宗成寺長沙馬侍中希振敬愛之俟其來延
納於書閣中虛中好炙柴火燒豆羹茶煙塵熏暗房
櫳去必復飾初不介意嘗題閣中曰嘉魚在深處幽
鳥立多時益見賞重時司空圖懸車告老閉門家居
天下欽仰虛中欲造見論交未果因歸華山後寄詩
曰門徑放莎垂往來拔刺稀有時開御札特地掛朝

唐才子傳 卷八
衣嶽信僧傳去天香鶴帶歸他時周召化無復更衰
微圖得詩大喜寄懷云十年華嶽山前住只得虛中
一首詩其見重如此今有碧雲集一卷傳于世顧栖
蟾者亦洞庭人以聲律聞今不見其作也

周繇

繇江南人咸通十三年鄭昌圖榜進士調福昌縣尉
家貧不事生計惟好吟哦俯有思仰有詠深造闔域
時號爲詩禪警聯如送人尉黔中云公庭飛白馬官
俸請丹砂望海云島間應有國波外恐無天甘露寺
云殿鎖南朝像龕禪外國僧又山從平地有水到遠

天無又白雲連晉閣碧樹盡蕪城江州上薛能尙書
云樹翳樓臺月帆飛鼓角風又郡齋多嶽客鄉戶半
漁翁等句讀之使人竦聽誠好手也落拓杯酒無榮
辱之心所交遊悉一時名公集今傳世繇同年有張
演者亦工詩間見一二篇亦佳作也○嘗謂禪家者
流論有大小乘有邪正法家能具正法眼方爲第一
義出入無間若鶩聲聞味淨因已非正矣況又墮野
狐外道鬼窟中乎詩道亦然宗派或殊風義必合品
則有神妙體則有古今才則有聖凡時則有取舍自
魏晉以降遞至盛唐大曆元和以下逮晚唐考其時

變辨其格律其邪正了然在目不能隱也經云過而不改是謂過矣法門洞開慧燈朗照清淨之境惟天所賦觀于時以詩禪許周繇為不入於邪魔能致思於超妙固知其衣冠於裸人之國昔謂學詩如學仙此之謂歟

唐才子傳卷第八

唐才子傳卷第九目錄

崔道融

聶夷中

許棠

公乘億

章碣

唐彥謙

林嵩

高蟾

高駢

牛嶠

錢珣

趙光遠

孫啟 盧翺

崔珏

周朴

羅隱

羅虬

崔櫓

秦韜玉

鄭谷

李栖遠

齊己

崔塗

任濤

喻坦之

溫憲

李洞

吳融

韓偓

唐備

于瀆

王駕

戴思顏

杜荀鶴

張曙

李賀	李賀	李賀	李賀	李賀	李賀	李賀	李賀	李賀	李賀
李賀	李賀	李賀	李賀	李賀	李賀	李賀	李賀	李賀	李賀
李賀	李賀	李賀	李賀	李賀	李賀	李賀	李賀	李賀	李賀
李賀	李賀	李賀	李賀	李賀	李賀	李賀	李賀	李賀	李賀
李賀	李賀	李賀	李賀	李賀	李賀	李賀	李賀	李賀	李賀
李賀	李賀	李賀	李賀	李賀	李賀	李賀	李賀	李賀	李賀
李賀	李賀	李賀	李賀	李賀	李賀	李賀	李賀	李賀	李賀
李賀	李賀	李賀	李賀	李賀	李賀	李賀	李賀	李賀	李賀
李賀	李賀	李賀	李賀	李賀	李賀	李賀	李賀	李賀	李賀
李賀	李賀	李賀	李賀	李賀	李賀	李賀	李賀	李賀	李賀

唐才子傳卷第九

崔道融

道融荆人也自號東甌散人與司空圖為詩友出為
 永嘉宰工絕句語意妙甚如銅雀妓云歌咽新翻曲
 香銷舊賜衣陵園風雨暗不見六龍歸春闈云寒食
 月明雨落花香滿泥佳人持錦字無鴈寄征西寄人
 云澹澹長江水悠悠遠客情落花相與恨到地一無
 聲寒食夜云滿地梨華白風吹碎月明大家寒食夜
 獨貯遠鄉情等句甚多雖在晚唐而尚是初盛風格

使古人復生亦不多讓可謂出乎其類拔乎其萃者矣人悉推服其風情雅度獨恨出處未能梗槩之也有中唐集十卷自序云乾符乙卯夏寓永嘉山齋取拾草稿得五百餘篇今傳于世

聶夷中

夷中字坦之河南人也咸通十二年禮部侍郎高湜下進士與許棠公乘億同袍時兵革多務不暇銓注夷中滯長安久阜裘已敝黃糧如珠至得調華陰縣尉之官惟琴書而已性益恭儉蓋奮身草澤備嘗辛楚知稼穡之艱難故其爲政多傷俗憫時之舉但時值險阻退進惟谷才足而命屯有志莫遂工詩寓諷刺深含蓄古樂府尤得體皆警省之辭裨補政治樂而不淫哀而不傷正國風之遺也其詩一卷今傳

許棠

棠字文化宣州涇人也苦於詩文性僻少合久困名場時馬戴佐大同軍幕爲詞宗棠往謁之一見如舊交留連累月但從事詩酒而已未嘗問所欲一旦大會賓客命使以棠家書授之棠驚愕不喻其來啟緘始知戴潛遣一介恤其家矣古人溫良泛愛振窮周急謙退不伐有若此之周至者咸通十二年李筠榜

進士及第年已知命嘗曰自得一第稍覺筋骨輕健
愈於少年則知一名乃孤進之還丹也調涇縣尉之
官鄭谷送詩曰白頭新作尉縣在故山中高第能卑
宦前賢尙此風後復潦倒辭榮而歸初作洞庭詩膾
炙人口時號許洞庭云今集一卷傳世

公乘億

億字壽山咸通十二年進士工賦擅名時場屋取進
者法之多命中焉有賦集十二卷詩集一卷今傳

章碣

碣錢塘人孝標之子也累試不第咸通末以篇什擅
名乾符中侍郎高湘自長沙攜邵安石來京及第碣
恨湘不知己賦東都望幸詩曰懶修珠翠上高臺眉
月連妍恨不開縱使東巡也無益君王自領美人來
後竟流落不知所終碣有異才嘗草創詩律於八句
中足字平側各從本韻如東南路盡吳江畔正是窮
愁薄暮天鷗鷺不嫌斜兩岸波濤欺得逆風船偶逢
島寺停帆看深羨漁翁下釣眠今古若論英達算鴟
夷高興固無邊自稱變體當時趨風者亦紛紛而起
也今有詩一卷傳于世

唐彥謙

彦謙字茂業并州人也咸通末舉進士及第中和五年重榮表爲河中從事歷節度副使晉絳二州刺史重榮遇害彦謙貶漢中掾興元節度使楊守亮留署判官尋遷副使爲閬州刺史卒彦謙才高負氣毫髮逆意卽不能禁博學足藝猶長於詩亦其追古心雄發言不苟極能運典如自己出初師溫庭筠態度逼似惜多纖麗之詞後變淳雅尊崇工部唐人效甫者惟彦謙一人而已自號鹿門先生有詩集傳于世薛廷珪爲之序

林嵩

嵩字降臣長樂人也乾符二年禮部侍郎崔沆下進士官至秘書省正字工詩善賦才譽與公乘億相頡頏功名之士翕然慕之有詩一卷賦一卷傳于世

高蟾

蟾河朔間人乾符三年孔緘榜及第與鄭郎中谷友相酬贈稱高先輩初累舉不第題省牆間曰冰柱數條搯白日天門幾扇鎖明時陽春發處無根蒂憑仗東風次第吹怨而不怒然是年輿論未滿又下第上馬侍郎云天上碧桃和露種日邊紅杏倚雲栽芙蓉生在秋江上莫向春風怨未開情見乎詞矣馬憐之

又有顏色如花命如花之句自況時運蹇窒馬因力
薦明年李昭知貢遂登第官至御史中丞蟾木寒士
遑遑於一名十年始就性倜儻離羣尚氣節人無故
與千金卽身死亦不受其胸次魄磊惟詩酒能消耳
詩體則氣勢雄偉態度諧遠如狂風猛雨之來物物
竦動深造理窟亦一奇逢掖也詩集一卷今傳

高駢

駢字千里幽州人也崇文之孫少嫻鞍馬弓刀善射
有膂力更蓄銳爲文學與諸儒交硜硜談治道初事
朱叔明爲府司馬遷侍御史一日校獵圍合有雙鷗

並飛駢曰我後大富貴當貫之遂一發聯翩而墜衆
大驚號落鷗御史駢爲西川節度築成都城四十里
朝廷疑之會宴問詠風箏云依稀似曲纔堪聽又被
風吹別調中明日詔下移鎮瀋宮亦其讖也仕至平
章事封渤海郡王初駢以戰討之勲累拜節度身膺
顯爵口沾重祿國家倚之時巢賊勢甚兩京淪陷天
駕蒙塵遂謀勤王之舉惑於羣小欲圖徼幸帝知之
以王鐸代爲都統加侍中駢失兵柄攘袂大詬一旦
離勢威望頓盡乃弃人間事絕女色屬意神仙都陽
商僧呂用之能以妖術役鬼神及狂人諸葛殷張守

唐史傳
一等相引而進亦爲杳渺長生飛化之說羽衣鶴氅
詭辯風生覩事之若神造迎仙樓高八十尺日同方
士登睡謂鸞笙在雲表而下用之等叱咤風雷或望
空揖拜言覩仙駕駢輒信之用之日玉皇欲補公眞
官吾謫限亦滿當陪幢節同歸上清耳其怪誕不可
勝紀後以用之守一般等爲將分掌兵符皆稱將軍
開府置官禮制與駢埒卒至誤用逆謀磔屍道途死
且不悟裹駢以破瓊與子弟七人一坎而瘞名書於
唐史叛臣傳吁差以毫釐謬以千里可不懼哉有詩
一卷今傳大順中謝蟠隱爲之序

牛嶠

嶠字延峯隴西人宰相僧孺之後博學有文以歌詩
著名乾符五年孫偓榜第四人進士歷仕拾遺補闕
尙書郎王建鎮西川辟爲判官及僞蜀開國拜給事
中卒有集本三十卷自序云竊慕李長吉所爲歌詩
輒倣之今傳於世

錢翊

翊吳興人起之孫也乾寧六年鄭藹榜及第昭宗時
仕爲中書舍人工詩有集傳于世

趙光遠

光遠丞相隱之猶子也幼而聰悟咸通乾符間氣焰方甚而善爲詩温庭筠李商隱輩與交之惜其恃才放浪不拘小節金鞍駿馬恣遊狹邪著北里志頗述青樓紅粉之事及有詩集傳于世○光遠等千金之子厭飫膏粱仰蔭承榮眎若談笑驕侈不期而至矣況年少多才京邑繁盛耳目所盪素少閑邪之輩者哉故其辭多裙裾妖豔之態與孫啟崔珏同時恣心狂狎相爲唱和頗陷輕薄無莊雅之風惟盧弼氣象稍嚴不遷狐惑如邊庭四時怨等作賞音大播信不偶然區區貴介固何足稱特其才亦不可沒耳

周朴

朴字見素長樂人嵩山隱君也工爲詩抒詞不苟每有所得必極雕琢時詩家稱爲月煨年鍊未及成篇然已聲播人口取重當時貫休尤與友善深爲憐才而朴本無奮名競利之心特以道尊德貴美價益超耳乾符中爲巢賊所得以不屈遇禍遠近聞之莫不流涕林嵩得其詩百餘篇爲二卷僧栖浩序首今傳于世○周朴山林之癯縞衣糲食以爲黔婁原憲不殄天物庶足保身而長年矣今則血染緼袍魂散茅宇盜跖不仁竟嚼虎口天道福善禍淫果何如哉古

稱飾變詐爲姦軌者自足乎一世之間守道循理者不免於飢寒之患殺戮無辜亂世之道每讀至此未嘗不廢書撫髀而歎歎也

羅隱

隱字昭諫錢塘人也少英敏善屬文詩筆尤俊拔能養浩然之氣乾符初舉進士不第廣明中遇亂歸鄉里時錢尙父鎮東南節鉞崇重隱欲依焉進謁投素作卷首過夏口云一箇禰衡容不得思量黃祖謾英雄鏐得之大喜遂以書辟曰仲宣遠託劉荊州蓋因亂世夫子樂爲魯司寇祇爲故鄉隱曰是不可去哉

遂爲掌書記性簡傲高談闊論滿座風生好諧諢咸遇輒發鏐愛其才前後賜予無數陪從不頃刻相背表遷節度判官鹽鐵發運使未幾奏授著作郎鏐初授鎮命沈崧草表謝盛言浙西富庶隱曰今浙西焚盪之餘朝臣方切賄賂表奏將鷹犬我矣鏐請隱更之有云天寒而麋鹿曾遊日暮而牛羊不下又爲賀昭宗改名表云左則姬昌之半字右爲虞舜之全文作者稱賞轉司勳郎中自號江東生魏博節度羅紹威慕其名推宗人之分拜爲叔父時亦老矣嘗表薦之隱恃才傲睨衆頗憎忌自以當得大用而區區一

第傳食諸侯因人成事深怨唐室凡作詩文類多譏刺雖荒祠木偶莫能免者且性介僻不喜與軍旅酬酢故身世間卒落落寡合也初赴舉過鍾陵識營妓雲英有才思經一紀復過之英曰羅秀才尙未脫白耶隱贈詩云鍾陵醉別十餘春重見雲英掌上身我未成名英未嫁可能俱是不如人與顧雲同謁高駢駢不禮駢後爲畢將軍所殺隱有延和閣之譏又以詩投相國鄭畋畋有女殊麗喜詞詠讀隱作至張華謾出如舟語不及劉侯一紙書由是切慕之精爽飛越莫知所從隱忽來謁女從簾後窺見迂謾之狀不復念矣隱精法書喜工筆萇鳳謂曰筆文章餌也今助子取高價卽以鴈頭箋百幅爲贈士大夫踵門問價一致千金率多借重如此所著讒書讒本淮海寓言湘南應用集甲乙集外集故事等竝行于世○易戒毋以小善爲無益而弗爲小惡爲無傷而弗去也羅隱以褊急性動必嘲訕卒成謾作頃刻相傳以其事業非不五鼎也學術非不經史也夫何齊東野人猥巷小子語及譏誚必以隱爲稱首凋喪淳才揄揚穢德白日能蔽於浮翳美玉曾玷於青蠅雖亦未必盡然然究非慎微之道阮嗣宗臧否不挂口欲免其

身耳他如滑稽玩世東方朔之流又不相類也

羅虬

虬詞藻富贍與族人隱鄴齊名咸通間稱三羅而氣
宇不逮廣明庚子亂後去從鄜州李孝恭爲從事虬
狂宕不檢束時淮陰籍中有妓杜紅兒善歌舞姿色
豔絕嘗爲副戎屬意會副戎聘鄰道虬久慕紅兒至
是召之歌贈以繒綵孝恭以爲副戎所貯從事則非
禮勿令受貶虬不稱意怒拂衣起詰旦乃手刃之孝
恭以虬激已坐之頃會赦虬追其冤於是取古之美
女有姿豔才德者作絕句一百首以比紅兒當時盛

傳體縱凡庸詞尙可采序曰紅兒美貌年少機智慧
悟不與羣妓等余知紅者擇古灼然美色優劣於章
句見之卒章云華落塵中玉墮泥香魂應上窅娘堤
欲知此恨無窮處長倩城烏夜夜啼情極哀切初以
白刃相加今日余知紅者虬實一狂夫也大失律身
之道矣姑錄以供塵談此外不見有他作

崔魯

或作權

魯廣明間舉進士才麗而蕩工爲雜文詩慕杜紫微
風範警句絕多如梅花云大半瘦因前夜雪數枝愁
向晚來天又初開已入雕梁畫未落先愁玉笛吹蓮

花云何人解把無塵袖盛取清香盡日憐山鵲云一
番春雨吹巢冷半朶山華咄背香又別題云雲生柱
礎降龍地露洗林巒放鶴天等皆綺製精深膾炙人
口素嗜酒無量嘗醉辱郎中陸肱旦日慚甚爲詩謝
曰醉時顛蹶醒時羞翹彘催人不自由叵耐一雙窮
相眼不堪花卉在前頭陸亦諒之悠悠亂世竟無所
成魯詩善於寫景詠物讀之如嚙冰雪心爽神怡能
遠凡俗氣象清老格調且高其中別有一種風情洵
晚唐時佳作也詩三百餘篇名無機集今傳

秦韜玉

韜玉字中明京兆人父爲左軍將軍韜玉少擅詞藻
工歌吟圓和瀏澆慕栢耆爲人然急於干進得遇大
闈田令孜捷徑未期年官至丞郎判鹽鐵保安軍節
度判官僖宗幸蜀嘗從駕焉中和二年禮部侍郎歸
仁紹放榜特勅賜進士及第令於二十四人內編入
春榜令孜引擢工部侍郎韜玉每一詩出人必傳誦
貴公子行云堦前莎毯綠未捲銀龜噴香挽不斷亂
華織綿柳撚線粧點池臺畫屏展主人功業傳國初
大親聯絡馳朝車鬪雞走狗家世事抱來皆佩黃金
魚卻笑書生把書卷學得顏回忍飢面又瀟水出道

州九嶷山中湘水出桂林海陽山中經靈渠至零陵
與瀟水合謂之瀟湘爲永州之二水也清泚一色高
秋八九月才丈餘淺碧見底過衡陽抵長沙入洞庭
韜玉賦詩云女媧羅裙長百尺擔在湘江作山色又
云嵐光楚岫和空碧秋染湘江到底清由是大知名
推爲絕唱今有投知小錄三卷行于世

鄭谷

谷字守愚袁州宜春人父史開成中爲永州刺史谷
幼穎悟絕倫七歲能詩司空侍郎圖與史同院見而
奇之問曰子詩有病否曰大夫曲江晚望云村南斜
日閒迴首一對鴛鴦落渡頭此意深矣圖拊谷背曰
當爲一代風騷主也光啟三年右丞柳玘下成進士
授京兆鄠縣尉遷右拾遺補闕乾寧四年爲都官郎
中詩家稱鄭都官又嘗賦鷓鴣警絕復稱以鄭鷓鴣
未幾告歸退隱仰山書堂卒於北巖別墅谷詩清婉
明暢不俚而切爲薛能李頻所賞與許棠任濤張蠙
李栖遠張喬喻坦之周繇溫憲李昌符唱答往還號
芳林十哲谷多結契山僧曰蜀茶似僧雖非皆美然
不能捨齊已攜詩卷來袁謁谷早梅云前村深雪裏
昨夜數枝開谷曰數枝非早也未若一枝佳已不覺

投拜曰我一字師也嘗從僖宗登三峯朝謁之暇寓于雲臺道舍編所作爲雲臺編三卷歸編宜陽集三卷及撰國風正訣一卷分六門摭詩聯註以寓古今君臣賢否國家治亂之意今並傳焉

齊己

齊己長沙人姓胡氏早失怙恃七歲穎悟爲大瀉山寺司牧往往抒思取竹枝畫牛背爲小詩耆夙異之遂共推挽入戒風度日改聲價益隆遊江海名山登岳陽望洞庭時秋高水落君山如黛襟帶湘川已欲留吟而杳不可得徘徊久之來長安數載遍覽終南

條華之勝歸過豫章時陳陶近仙去已留題有云夜過修竹寺醉打老僧門至宜春投詩鄭都官云自封修藥院別下著僧牀谷曰善則善矣一字未安經數日來曰別掃如何谷嘉賞結爲詩友曹松方干皆已良契性放逸不滯土木形骸頗任琴樽之好嘗撰玄機分別要覽一卷摭古人詩聯以類分次仍別風賦比興雅頌又撰詩格一卷又與鄭谷黃損等共定用韻爲葫蘆轆轤進退等格并其詩白蓮集十卷並傳

崔塗

塗字禮山光啟四年鄭貽矩榜進士及第工詩深造

理窟端能竦動人意寫景狀懷往往宣陶肺腑第窮
年羈旅壯歲上巴蜀老大遊隴山家寄江南每多離
怨之作警策如流年川暗度往事月空明又病知新
事少老別故交難巫娥云江山非舊主雲雨是前身
孤鴈云渚雲低暗度關月冷相隨山寺云夕陽高鳥
過疎雨一鐘殘又谷樹雲埋老僧窗瀑照寒鸚鵡洲
云曹瞞尙不能容物黃祖何因解愛才春夕云胡蝶
夢中家萬里杜鵑枝上月三更隴上云三聲戍角邊
城暮萬里歸心塞草春過峽云五千里外三年客十
二峯前一望秋等聯意味俱遠盛名非虛一時作者

咸推重焉有詩一卷今傳

喻坦之

坦之睦州人咸通中舉進士不第久寓長安囊金告罄
乃憶漁樵還居舊山與李建州頻爲友頻以詩送
歸云從容心自切飲水勝銜杯共在山中住相隨闕
下來修身空有道取事各無媒不信昇平代終遺草
澤才又彼此無依倚東西又別離蓋困於窮蹇情見
于辭矣同時嚴維徐疑章八元枌榆相望前後唱和
之作頗多詩集今傳

任壽

唐六三傳
古
濤筠州人也章句之名早擅乾符中數應舉每敗垂
成李常侍隲廉察江西素聞濤名取其詩覽之見露
搏沙鶴起人卧釣船流大加賞歎曰任濤奇才也何
故不成名會當薦之特與放鄉里雜役仍令本貫優
禮時盲俗互有論列隲判曰江西境內凡爲詩得及
濤者卽與放役豈止一任濤而已哉未幾濤逝去有
才無命大可憐也詩集今傳

温憲

憲庭筠之子也龍紀元年李瀚榜進士及第出爲山
南節度府從事大著詩名詞人李巨川草薦表盛述
憲先人之屈辭略曰蛾眉先妬明妃爲去國之人猿
臂自傷李廣乃不侯之將上讀表惻然稱美時宰臣
亦有知者曰父以竄死今孽子宜稍振之以厭公議
庶幾少雪忌才之恨上領之後遷至郎中卒有文賦
等集傳于世

李洞

洞字才江雍州人諸王之孫也家貧吟極苦至廢寢
食酷慕賈長江遂洞寫島像戴之以巾常持數珠念
賈島佛一日千遍人有喜島者洞必手錄島詩贈之
丁寧再四曰此無異佛經歸焚香拜之其仰慕一何

唐才子傳 卷九
如此之切也故洞詩逼真於島新奇或過之時人多
誚僻澁不知其卓峭唯吳融賞之融以大才擅雄名
著新律稱遊刃焉力攻騷雅嘗以百篇示洞洞曰大
兄所示中一聯暖漾魚遺子晴遊鹿引麋絕妙也融
不怨所鄙而善其許洞詩大略如終南山云殘陽高
照蜀敗葉遠浮涇斷竹煙嵐凍偷湫雨雹腥遠平丹
鳳闕冷射五侯廳贈司空圖云馬飢餐落葉鶴病曬
殘陽又曰卷箔清溪月敲松紫閣書送僧云越講迎
騎馬蕃齋懺射鵬歸日本云島嶼分諸國星河其一
天夜云藥杵聲中搗殘夢茶鐺影裏煮孤燈皆偉拔
時流者昭宗時凡三上不第裴公第二榜簾前獻詩
云公道此時如不得昭陵慟哭一生休果失意流落
往來寓蜀而卒初島任長江有東蜀塚在其處鄭谷
哭洞詩云得近長江死想君勝在生言死生不相遠
也洞嘗集島警句五十聯及唐諸人警句五十聯爲
詩句圖自爲之序及所爲詩一卷竝傳

吳融

融字子華山陰人美才力學辭調工捷龍紀元年李
瀚榜進士及第韋昭度討蜀表掌書記後累去官流
浪荆南依成汭久之召爲左補闕以禮部郎中爲翰

林學士拜中書舍人天復元年元旦東內反正既御樓融最先至上命於座前跪草十數詔簡備精當曾不頃刻皆中旨大加賞激進戶部侍郎帝幸鳳翔融不及從去客闋鄉俄召爲翰林承旨卒爲詩綺麗獨得而雅重不佻集四卷及制誥一卷竝行

韓偓

偓字致堯京兆人龍紀元年禮部侍郎趙崇下擢第天復中王溥薦爲翰林學士遷中書舍人從昭宗幸鳳翔進兵部侍郎翰林承旨嘗與崔胤定策誅劉季述昭宗反正論爲功臣帝疾宦人驕橫欲去之偓畫

策稱旨帝附膝曰此一事始終以屬卿偓因薦座主御史大夫趙崇時稱能讓李彥弼倨甚因譖偓漏禁省語帝怒曰卿有官屬日夕議事奈何不欲我見韓學士邪帝勵精政事偓處裁機密卒與上意合欲相者三四讓不敢當偓每侵侮大臣朱全忠亦惡之因構禍貶濮州司馬帝流涕曰我左右無人矣天祐六年復召爲學士偓不敢入朝挈其族南依王審知而卒偓自號玉山樵人工詩有集一卷又作香奩集一卷詞多側豔巧情又作金鑿密記五卷今竝傳

唐備

備龍紀元年進士工古詩極多諷刺有關教化非浮
豔輕靡之作時有干瀆者同一機軸大爲時流所許
備詩有天若無雪霜青松不如草地若無山川何人
重平道又狂風拔倒樹樹倒根已露上有數枝藤青
青猶未悟又一日天無風四溟波自息人心風不吹
波浪高百尺又別家云兄弟惜分離揀日皆言惡干
瀆對華云華開蝶滿枝花謝蝶來稀惟有舊巢燕主
人貧亦歸等詩足爲澆俗戒至今人話間必舉以爲
警洵有關世道之文餘詩皆傳

王駕

駕字大用蒲中人自號守素先生大順元年楊贊禹
榜登第授校書郎仕至禮部員外郎棄官遁居於別
業與鄭谷司空圖爲詩友才名藉甚圖嘗與駕書評
詩曰國初雅風特盛沈宋始興之後傑出江寧宏思
至李杜極矣右丞蘇州趣味澄貧若清流之貫遠大
厯十數公抑又其次元白力勅而氣孱乃都市豪估
耳劉夢得楊巨源亦各有勝會浪跡無拘劉得仁輩
時得佳致亦足滌煩厥後所聞徒褊淺矣河汾蟠鬱
之氣宜繼有人今王生寓居其間沈漬益久五言所
得長於思與境偕乃詩家之所尙者則前謂必推於

其類豈若神躍色揚而已哉駕得書自以譽不虛已
深感賞音由是價重當時今集六卷行于世

戴思顏

思顏大順元年楊贊禹榜進士及第與王駕同袍有
詩名氣宇盤礴輒能過人遂稱名家非泛然者有集
今傳

杜荀鶴

荀鶴字彥之牧之微子也牧會昌末自齊安移守秋
浦時妾有妊出嫁長林鄉士杜筠生荀鶴早得詩名
嘗謁梁王朱全忠與之坐忽無雲而雨王以爲天泣

不祥命作詩稱意王喜之荀鶴寒浚連敗文場窘甚
至是遣送名春官大順二年裴贇侍郎下第八人登
科正月十日放榜正荀鶴生辰也王希羽獻詩曰金
榜曉懸生世日玉書潛記上昇時九華山色高千尺
未必高於第八枝荀鶴居九華號九華山人拾遺張
曙亦工詩又同年嘗醉謔曰杜十五大榮而得與曙
同年荀鶴曰是公榮天下只知有荀鶴若箇知有張
五十郎邪各大笑而罷宣州田頔甚重之常致牋問
梁王立薦爲翰林學士遷主客員外郎頗恃才侮慢
縉紳爲文多主箴刺衆怒欲殺之未得天祐元年卒

荀鶴苦吟半生所志不遂晚始成名况于亂世殊多
 憂惋思慮之語於一觴一詠變俗為雅極事物之情
 足邱壑之趣非易能及者也與太常博士顧雲初隱
 一山登第之明年寧親相會雲撰集其詩三百餘篇
 為唐風集三卷且為序曰壯語大言則決起逸發可
 以左攬工部袂右拍翰林肩吞賈喻八九於胸中曾
 不芥蒂或情發乎中則極思冥搜神遊希夷形兀枯
 木五聲勞於呼吸萬象工於抉剔信詩家之雄傑者
 矣荀鶴嗜酒善彈琴風情雅度千載猶可想望也
 唐才子傳卷第九

唐子傳卷第十目錄

王 渙	徐 寅	張 喬	<small>劇 燕</small>
鄭 良士	張 鼎	<small>趙 搏</small>	<small>吳 罕</small>
韋 莊	王 貞白	張 蠙	<small>辛 諤</small>
王 叡	殷 文圭	<small>王 周</small>	<small>謝 蟠 隱</small>
<small>司馬札</small>	李 建勳	褚 載	<small>劉 兼</small>
盧 延讓	曹 松	<small>劉 象</small>	呂 巖
<small>裴 誥</small>	貫 休	張 瀛	裴 說
<small>于 廷珣</small>	唐 求	<small>楊 夔</small>	沈 彬
李 中	廖 圖	<small>鄭 準</small>	孫 鮑
			孟 賓于

孟貫 江爲 熊皎 陳搏
鬼

唐才子傳卷第十

王煥

西域 辛 文房 撰

煥大順二年禮部侍郎裴贄下進士及第俄自左史
拜考功員外郎同年皆得美除煥首唱感恩長句上
謝座主裴公當時甚榮之後以禮部侍郎致仕年九
十見睢陽五老圖煥工詩情極婉麗嘗爲惆悵詩十
三首悉以古佳人才子深懷感怨者成篇若崔氏鶯
鶯李夫人樂昌公主綠珠張麗華王昭君及蘇武劉
阮輩事哀傷嫵媚如謝家池館花籠月蕭寺房廊竹

颺風夜半酒醒凭檻立所思多在別離中又夢裏分明入漢宮覺來燈背錦屏空紫臺月落關山曉腸斷君王信畫工等皆絕唱膾炙士林在晚唐諸人中霄壤不侔矣有集今傳

徐寅

寅莆田人也大順三年蔣詠下進士及第工詩嘗賦路傍草云楚甸秦川萬里平誰教根向路傍生輕蹄繡轂長相蹋合是榮時不得榮時人知其蹭蹬後果鬚鬢交白始得秘書省正字竟蓬轉客途不知所終云有探龍集五卷謂登科射策如探睡龍之珠也

張喬

喬池州人也隱居九華山有高致十年不窺園以苦學詩句清雅迴絕其倫當時東南多才子如許棠喻坦之劇燕吳罕任濤周繇張蠙鄭谷李栖遠與喬亦稱十哲俱以韻律馳聲大順中京兆府解試李參軍頻時主文試月中桂詩喬云根非生下土葉不墜秋風遂擅場其年頻以許棠久困場屋以爲首薦喬與喻坦之俱出許下薛尚書雅知喬才欲表于朝以他不果竟沮晤名途徒得一第耳有詩集二卷傳世

鄭良士

良士字君夢咸通中累舉進士不第昭宗時自表獻詩五百餘篇勅授補闕而僅一布衣一旦俯拾青紫易若反掌浮俗莫不駭羨難乎爲例也有白巖集十卷傳世○昔言詩或窮人或達人良士達矣亦命之所爲詩何能與而窮或歸過於詩則不揣其本也

張鼎

鼎字台業景福二年崔膠榜進士工詩集一卷今行同時趙搏有爽邁之度工歌詩韋靄亦進而無遇退而有守者詩各一卷及謝蟠隱云是靈運之遠孫有清才知天下之將亂作雜感詩一卷張爲閩中人離

羣拔類工詩存一卷及著唐詩主客圖等竝傳于世

韋莊

莊字端己京兆杜陵人也少孤貧力學才敏過人將應舉正黃巢犯闕兵火交作遂著秦婦吟有云內庫燒爲錦繡灰天街踏盡卻重回亂定公卿多訝之號爲秦婦吟秀才乾寧元年蘇檢榜進士釋褐校書郎李詢宣諭西川舉莊爲判官後王建辟爲掌書記尋徵起居郎建表留之及建開僞蜀莊托任腹心首預謀畫其郊廟之禮冊書赦令皆出莊手以功臣授吏部侍郎同平章事莊早嘗寇亂問關頓躡攜家來越

中弟妹散居諸郡西江湖南所在曾遊舉目有山河
之異故於流離漂泛寓目緣情子期懷舊之辭王粲
傷時之製或離羣軫慮或反袂興悲四愁九怨之文
一詠一觴之作俱能感動人心莊自來成都訪得杜
少陵所居浣花溪故址雖蕪沒已久而柱砥猶存遂
誅茅重作草堂而居焉性儉稱薪而爨數米而炊達
人鄙之弟藹撰莊詩爲浣花集六卷及莊嘗選杜甫
王維等五十二人詩爲又立集以續姚合之極立也
今竝傳世

王貞白

貞白字有道信州永豐人也乾寧二年登第時榜下
物議紛紛詔翰林學士陸扆於內殿復試中選授校
書郎時登科後七年矣鄭谷以詩贈曰殿前新進士
闕下校書郎初蘭溪僧貫休得雅名與貞白居相近
而未晤會嘗寄御溝詩有云此波涵帝澤無處濯塵
纓後會語及此休曰剩一字貞白拂袂去休曰此公
思敏當卽來休書字於掌心逡巡間貞白還曰此中
涵帝澤如何休以掌示之無異所改遂訂深契後值
天子狩于岐廼退居著書不復干祿當時大獲芳譽
性恬和明易象手編所爲詩三百篇及文賦等爲靈

唐才子傳 卷十
四
溪集七卷傳于世卒葬家山○貞白學力精贍篤志
於詩清潤典雅轉瞬間兩獲科甲致身於青雲之上
文價可知矣深惟存亡取捨之義進而就祿退而保
身君子也梁陶弘景弃官隱居三茅國事必諮請稱
山中宰相號貞白今王公殆慕其爲人而名歟

張蠙

蠙字象文清河人也乾寧二年趙觀文榜進士及第
釋褐爲校書郎調櫟陽尉遷犀浦令僞蜀王建開國
拜膳部員外郎後爲金堂令王衍與徐后遊大慈寺
見壁間題牆頭細雨垂纖草水面回風聚落花愛賞
久之問誰作左右以蠙對因給禮令以詩進蠙上二
篇衍尤重待將召掌制誥朱光嗣以其輕傲駙馬宣
疏之止賜白金千兩而已蠙生而秀穎幼能爲詩登
單于臺有白日地中出黃河天上來之句由是知名
初以家貧累下第留滯長安賦詩云月裏路從何處
上江邊身合幾時歸十年九陌寒風夜夢掃蘆花絮
客衣主司知非濫成名者也詩盡佳各有意度過人
遠矣詩集二卷今傳

翁承贊

承贊字文堯乾寧三年禮部侍郎獨孤損下第四人

進士又中宏詞勅頭承贊工詩好恢諧體貌甚偉名
動公侯唐人應試每在八月諺曰槐花黃舉子忙承
贊詠槐花云雨中粧點望中黃勾引蟬聲送夕陽憶
得當年隨計吏馬蹏終日爲君忙甚爲當時傳誦嘗
奉使來福州見友僧亞齊贈詩云蕭蕭風雨建陽溪
溪畔維舟見亞齊一軸新詩劔潭北十年舊識華山
西吟魂昔向江村老空性原知世路迷應笑乘輅青
瑣客此時無暇聽猿啼他詩高妙稱是仕王審知終
諫議大夫所爲詩以兵火散失僅存百二十餘篇爲
一卷秘書郎孫卽爲之序云

王轂

轂字虛中宜春人白號臨沂子以歌詩擅名長於樂
府未第時嘗爲玉樹曲云壁月夜瓊樹春舌鶯泠泠
詞調新當時狎客盡豐祿直諫犯顏無一人歌未闕
晉王劔上粘腥血君臣猶在醉鄉中一面已無陳日
月大播人口適有同人爲無賴輩毆轂前救之曰莫
無禮我便是道君臣猶在醉鄉中者無賴聞之慚謝
而退轂亦達節士輕財重義爲鄉里所舉適生離亂
時鬱鬱不得志辭多寄寓比興之作無不知名乾寧
五年羊紹素榜進士歷國子博士後以郎官致仕有

詩三卷于時宦進俱素餐尸位賣降恐後之徒穀因
撰前代忠臣臨老不變圖一卷及觀光集一卷並傳

殷文圭

文圭字表儒池州青陽人也乾寧四年禮部侍郎裴
贄下進士初未第時道中嘗逢一老叟目文圭久之
謂人曰向者布衣綠眉方口神仙中人也如學道可
以冲虛不爾垂大名於天下未幾戎馬振動車駕幸
三峯文圭攜梁王表薦及第時楊令公行密鎮淮揚
奄有宣浙揚汴之間榛梗既久文圭辭親問道至行
在無何隨榜爲吏部侍郎裴樞宣慰判官記室參軍

至大梁以身事叩梁王王又上表薦之文圭後舍梁
遍投啟事公卿間曰於菟獵食非求尺璧之珍爰居
避風不望洪鐘之樂俄爲譖言者所發更由宋汴馳
過梁王大怒亟遣追捕已不及矣爲詩有登龍集冥
搜集筆耕詞米鏤錄從軍稿等集傳世○唐季文體
澆漓才調荒穢稍能作者強名曰詩南郭之竿亦雜
於衆響非復盛時之萬一也如王周劉兼司馬札蘇
拯許琳李咸用等數人雖有集相傳皆氣卑格下負
魚目唐突之慚竊砮砮韞襲之濫所謂家有敝帚享
之千金不自見之患也文圭特見風度語多奇崛其

殆庶幾乎

李建勳字致堯廣陵人仕南唐爲宰相後罷出鎮臨川未幾以司徒致仕賜號鍾山公年已八十志尙散逸多從仙侶參究玄門時宋齊邱有道氣在洪州西山建勳造謁致敬欲授真果贈以詩云春來漲水涼如活曉出西山勢似行玉洞有人經劫在攜竿步步就長生歸高安別墅一夕無病而逝能文賦詩詞琢鍊蘊藉調洽清平不少驚人之句也有鍾山集二十卷行于世

褚載

載字厚之家貧客梁宋間困甚以詩投襄陽節度使邢君牙云西風昨夜墜紅蘭一宿郵亭事萬般無地可耕歸不得有恩欲報死應難流年怕老看將老百計求安未得安一卷新詩滿懷淚頻來門館訴飢寒君牙憐之贈絹十疋薦於節度使鄭滑不行乾寧五年禮部侍郎裴贄知貢舉君牙又薦之遂擢第文德中劉子長出鎮浙西行次江西時侍郎陸威猶爲郎吏亦寓于此載緘二軸投謁誤以子長之卷而贄於威威覽之連見數字觸家諱威瞿然載愕錯白以大

誤尋謝以長牋略曰曹與之圖畫雖精終慙誤筆殷
浩之兢持太過翻達空函威雖激賞而終不能引拔
竟流落而卒有集三卷今傳

呂巖

巖字洞賓京兆人禮部侍郎呂滑之孫也咸通初登
第兩調縣令值巢賊亂浩然發栖隱之志攜家歸終
南山放跡江湖先是有鍾離權字雲房不知何代何
許人以喪亂避地太行間入紫閣石壁上得金詰玉
籙深造希夷之旨常髻髻衣檨葉隱見于世巖既篤
志大道遊覽名山至太華過雲房知爲異人拜以詩

曰先生去後應須老乞與貧儒換骨丹雲房許以法
器因爲著靈寶異法十二科志究性命之旨坐廬山
中數十年金丹始就逢苦竹真人乃能驅役神鬼時
及口世不復返也與陳圖南音響相接時或造訪又
嘗白欄角帶賣墨於市得者皆成黃金往往遨遊洞
庭瀟湘滢浦間自稱回道士其時已蟬蛻矣身常佩
劍自笑曰吾仙人安用劍爲所以斷嗔愛煩惱耳嘗
題寺壁曰三千里外無家客七百年前雲水身後書
云唐室進士今時神仙足躡紫霧身歸洞天又宿湖
州沈東老家白酒滿甕恣意拍浮臨去以石榴皮畫

壁間云西鄰已富憂不足東老雖貧樂有餘白酒釀
來因好客黃金散盡爲收書又嘗負局奩於市爲賈
尙書淬古鏡歸忽不見留詩云袖裏青蛇凌白日洞
中仙果豔長春須知物外餐霞客不是塵中磨鏡人
又醉飲岳陽樓俯鑑洞庭時八月葉落水清君山如
螺黛秋風浩蕩遂按玉龍以一弄清音遼亮金石欲
裂久之度古柳別去留詩云朝遊南浦暮蒼梧袖裏
青蛇膽氣麤三入岳陽人不識朗吟飛過洞庭湖後
往來人間乘虛上下竟莫能測至今四百餘年所在
留題不可勝紀凡遇之者每去後始知後悔無及蓋
其變化無窮吟詠不輟此姑紀其大概云

論曰晉稽康論神仙非積學所能致斯言信哉原其
本自天靈有異凡品仙風道骨迴凌雲表歷觀傳記
所載霧隱乎巖嶺霞寓於塵外崆峒羨門以下清流
相望由來尙矣雖解化一事似或立微正非假房中
黃白之小端從而服食頤養能盡其道者也不損上
藥愈益下田熊縮鳥伸納新吐故無七情以奪魂魄
無百慮以煎肺肝庶幾指識立戶引身長年然後一
躍邁喬松之逸馭也今夫指青山作窟卧白雲振衣
奮長往于斯世遣高風於無窮及見其人吾亦願從

之遊耳韓湘控鶴於前呂巖驂鸞於後凡其題詠篇什鏗鏘振作皆天成雲漢不假人工自非咀嚙冰玉呼吸煙霞孰能至此謂好事者爲之多見其不知量也吳筠張志和施肩吾劉商陳陶顧況等高躅可數皆頡頏於玄化中者歟

盧延讓

延讓字子善范陽人也有卓絕之才光化三年裴格榜進士朗陵雷滿薦辟之滿敗歸僞蜀授水部員外郎累遷給事中卒官刑部侍郎延讓師許下薛尚書爲詩詞意堅卓不競纖巧且多警語下士大笑之初

吳融爲侍御史出官峽中時延讓布衣薄遊荆渚貧無卷軸未遑贄謁會融弟得延讓詩百餘篇融覽其警聯如宿東林云兩三條電欲爲雨七八箇星猶在天旅舍言懷云名紙毛生五門下家僮骨立六街中贈元上人云高僧解語牙無水老鶴能飛骨有風蜀道云雲間鬪鐸驟馱去雪裏殘骸虎拽來又樹上譏謔批頰烏窗間逼駁叩頭蟲等句大驚曰此去人遠絕一無蹈襲迴軼尋常此子後必垂名余昔在翰林召對上曾舉其臂鷹健卒橫氈帽騎馬佳人卷畫衫一聯意雖猶人自成名家一體今則信然矣遂厚禮

遇贈給甚多融雪中寄詩云永日應無食終宵必有詩後登科第多融之力也有詩一卷傳世

曹松

松字夢徵舒州人也學賈島爲詩深入幽境而無枯寂之處尤長啟事不減山公未達時嘗避亂栖隱洪都西山初在建州依李頻頻卒後往來一無所遇光化四年禮部侍郎杜德祥下與王希羽劉象柯崇鄭希顏同登第年皆七十餘矣號爲五老榜時值新平內難朝廷以得士爲慶特授校書郎而卒松秉性方直罕嘗俗事故拙於仕進構身林澤寓情虛無極躋吟詠別有一種風味而不淪乎怪也集三卷今傳

裴說

說工詩得盛名天祐三年禮部侍郎薛廷珪下狀元及第初年時值亂離奔走道路有詩曰避亂一身多見者悲之後仕爲補闕終禮部員外郎爲詩足奇思非意表琢煉不苟落筆有島洞之風也弟諧亦以詩名世仕終桂嶺假官宰今俱有集相傳

貫休

休字德隱婺州蘭溪人俗姓姜氏騷壇之外尤精筆札荆州成中令問以書法休勃然曰此事須登壇可

授安得草草而言中令銜之乃遞入黔中因爲病鶴
詩以見志云見說氣清邪不入不知爾病自何來初
昭宗以武肅錢璆平董昌功拜鎮東軍節度使自稱
吳越王休時居靈隱往投詩賀中聯云滿堂花醉三
千客一劒霜寒十四州武肅大喜然僭侈之心因是
而張遣諭令改四十州乃可相見休性直答曰州亦
難添詩亦難改余孤雲野鶴何天不可飛卽日裹衣
鉢拂袖而去至蜀以詩投孟知祥云一餅一鉢垂垂
老萬水千山特特來知祥久慕其名非常尊禮之及
王建僭位一日遊建華寺召休坐令口誦近詩時諸
王貴戚皆侍休意在箴戒因讀公子行曰錦衣鮮華
手擎鶻閒行氣貌多陵忽稼穡艱難總不知五帝三
皇是何物建小忍然敬事不少怠也賜號禪月大師
後圓寂勅塔葬丈人山青城峯下有集三十卷今傳
○休一生直氣海內無雙意度孤高學問淵博天賦
敏速之才筆挾英銳之氣樂府古律當時所宗雖尙
崛奇每得神助時人競趨下風昔謂龍象蹴蹋非驢
所堪果僧中之一豪也後罕其比者前人以方支道
林不爲過矣

張瀛

瀛碧之子也仕廣南劉氏官至曹郎嘗爲詩贈琴棋
僧云我嘗聽師法一說波上蓮華水中月不垢不淨
是色空無法無空亦無滅我嘗對師禪一觀浪溢鰲
頭蟾魄滿河沙世界盡空空一寸寒灰冷燈畔我又
聞師琴一撫長松喚住秋山雨絃中雅弄若鏗金指
下寒泉流太古我又看師棋一著山頂坐沉紅日腳
阿誰稱是國手人羅浮道士賭卻鶴輪卻藥葫蘆斟
下紅霞丹束手不敢爭頭角同列見之曰非其父不
生是子瀛爲詩尙氣而不怒號語新意卓匪夷所思
能道人所不能道綽乎父風有詩集傳於世

沈彬

彬字子文筠州高安人自幼苦學屬末歲離亂隨計
不捷南遊湖湘隱雲陽山數年歸鄉里時南唐李昇
鎮金陵旁羅俊逸名儒宿老必命郡縣起之彬赴辟
知昇欲取楊氏因獻畫山水詩云須知筆力安排定
不怕山河整頓難昇覽之大喜授秘書郎保大中以
尙書郎致仕歸徒居宜春初經版蕩與韋莊杜光庭
貫休俱避難在蜀交相酬酢彬臨終指葬處示家人
窆果掘得一空塚中有漆燈熒然墳頭立一銅版篆
曰佳城今已開雖開不葬埋漆燈終未滅留待沈彬

來遂窳窳於此有詩集一卷傳於世彬次子廷瑞性坦率豪於觴詠舉動異俗盛夏附火巖冬單衣或遇崇山大水古洞幽壇竟日不返時人異之呼爲沈道者士大夫多邀至門館一日邑宰戲問曰何日道成廷瑞留詩云何須問我道成時紫府清都自有期手握藥苗人不識體涵仙骨俗爭知宰驚謝後浪遊四方或傳仙去也

唐求

求隱君也成都人值三靈改卜絕念鼎鐘放曠疏逸出處悠然人多不識方外物表心遊萬仞焉酷耽吟

詠氣韻清新饒有奇趣工而不僻皆達者之詞所行覽不出二百里間無秋毫塵俗之想有所得卽將稿撚爲丸投大瓢中或成聯片語不拘短長數日後足成之後卧病投瓢於錦江望而祝曰茲瓢儻不淪沒得之者始知吾苦心耳瓢泛至新渠有識者見曰此唐山人詩瓢也艤舟接之得詩數十篇求初未嘗示人至是方競傳今行於世後不知所終江南處士楊夔亦工詩文名稱傑出與求相頡頏云今其句多傳

孫魴

魴唐末處士也樂安人與沈彬李建勛同時唱和極

多魴有夜坐詩爲世稱賞建勛尤器重之日與談讌
嘗匿魴於齋幕中待沈彬來乃問曰魴夜坐詩如何
彬曰田舍翁火爐頭之語何足道哉魴從幕中出謂
彬曰何謗讟之甚彬曰畫多灰漸冷坐久席成痕此
非田舍翁爐上誰有此况一座大笑及金山寺詩云
天多剩得月地少不生塵當時謂騷情風韻不減張
祐云有詩五卷今傳

李中

中字有中九江人也唐末進士及第爲新塗淦陽吉
水三縣令仕終水部郎中孟賓于賞其工吟絕侶方
干賈島時復過之如暖風醫病草甘雨洗荒村又貧
來賣書劒病起憶江湖又閒花半落處幽鳥未來時
又千里夢隨殘月斷一聲蟬送早秋來又殘陽影裏
水東注芳草煙中人獨行又閒尋野寺聽秋水寄睡
僧窗到夕陽又香入肌膚花洞酒冷侵魂夢石牀雲
又西園雨過好花盡南陌人稀芳草深等句驚人泣
鬼之語也有碧雲集今傳

廖圖

圖字贊禹虔州虔化人文學博瞻爲時輩所服湖南
馬氏辟致幕下奏授天策府學士與同時劉禹李宏

臯徐仲雅蔡昆韋鼎釋虛中俱以文藻知名賡唱迭和齊已時寓渚宮相去圖千里而詩筒往來不絕警策句極多別具高致有集二卷行于世時有荆南從事鄭準亦工詩與僧尙顏多所酬贈詩亦傳

孟賓于

賓于字國儀連州人聰敏特異有鄉曲之譽垂髫時書所作百篇名金鰲集獻之李若虛侍郎若虛採獵佳句記之尺書使賓于馳詣洛陽致諸朝達聲譽翕然留寓久之晉天福九年禮部侍郎符蒙主試賓于簾下投詩云那堪雨後更聞蟬溪隔重湖路七千憶

得故園楊柳岸全家送上渡頭船蒙得詩以爲相見之晚遂擢第時已六戰北矣與詩人李昉同年情厚後賓于來仕江南李主調淦陽令因犯法抵罪當死會昉拜翰林學士聞在縲繼以詩寄之曰初攜書劍別湘潭金榜名標第十三昔日聲塵喧洛下近來詩價滿江南長爲邑令情終屈縱處曹郎志未甘莫學馮唐便休去明君晚事未爲慚後主偶見詩遂釋之遷水部郎中又知豐城縣興國中致仕居玉笥山年七十餘卒自號羣玉峯叟有集今傳

孟貫

貫閩中人秉性疎野不以顯宦爲意喜篇章周世宗幸廣陵貫時大有詩名世宗亦聞之因繕錄一卷獻上首篇書貽譚先生云不伐有巢樹多移無主花世宗不說曰朕伐叛弔民何得有巢無主之說獻朕則可他人則卿必不免遂不復終卷但賜進士而不授官後亦不知所終有詩集今傳○孟子曰予之不遇魯侯天也至唐開元孟浩然不合帝心如和璧之墮地孟郊之艱苦半生薄宦而死孟貫乃坐此詩窮無端觸諱竟爾埋沒與前賢大畧相似亦命也孟氏之不遇抑何多耶

江爲

爲考城人是江淹之裔少帝時出爲建陽吳興令因又爲郡人焉爲唐末舉進士輒不第工於詩有天形圍澤國秋色露人家月寒花露重江晚水煙微等句膾炙人口少游白鹿寺有云吟登蕭寺梅檀閣醉倚王家玳瑁筵後主南遷見之曰此人大有富貴氣象時劉洞夏竦松就爲學詩爲益傲肆白謂俯拾青紫乃詣金陵應舉又屢被黜怏怏不能已欲束書亡越會同謀者上變按得其狀伏罪今建陽縣西靖安寺卽爲故居後人憐之留題者甚衆有集一卷今傳

熊皎

皎九華山人唐清泰二年進士劉景巖節度延安辟爲從事晉天福中說景巖歸朝以功擢右諫議後坐事黜爲上津令工古律詩語意俱妙嘗賦早梅云一夜開欲盡百花猶未知甚爲士林傳賞且知其必遇今有屠龍集南金集合五卷傳世學士陶穀序之

陳搏

搏字圖南譙郡人少有奇才經濟易象玄機尤所精究高論駭俗少食寡思舉進士不第時戈革滿地遂隱名辟穀煉氣撰指玄篇同道風偃僖宗召之封清

虛處士居華山雲臺觀每閉門獨卧或兼旬不起周世宗召入禁特試之扃戶月餘始啟搏方熟寐齟齬覺卽辭去賦詩云十年蹤迹走紅塵回首青山入夢頻紫陌縱榮怎及睡朱門雖貴不如貧愁聞劔戟扶危主悶聽笙歌聒醉人攜取舊書歸舊隱野花啼鳥一船春還山後因乘驢遊花陰市見郵傳甚急問知宋祖登基搏抵掌長嘆曰天下自此定矣至太宗徵之戴華陽巾草屨垂緜與萬乘分庭抗禮賜號希夷先生時居雲臺四十年年已百歲帝贈詩云曾向前朝出白雲後來消息杳無聞如今已肯隨徵召總把

三峯乞與君真宗復詔不起爲謝表畧曰明時閒客
唐室書生堯道昌而優容許由漢世盛而善從商皓
况性同猿鶴心若土灰敗荷製服脫簪裁冠體有青
毛足無草屨苟臨軒陛貽笑聖朝數行丹詔徒教彩
鳳啣來一片野心已被白雲留住詠嘲風月之清笑
傲煙霞之表遂性所樂得意何言後鑿石室於蓮華
峯下一旦坐其中羽化而去有詩集今傳如洛陽潘
閻之逍遙河南种放之明逸錢塘林逋君復鉅鹿魏
野仲先青州李之才挺之天水穆修伯長皆從學先
生一流高士俱有詩名大節詳見之宋史云

鬼

雜傳記中多錄鬼神靈怪之詞深情逸調無異生前
然影響所託究涉荒唐可不必一一以述之

唐才子傳卷第十

唐才子傳跋

唐才子傳十卷元辛文房撰坊刻頗多舛訛有稱五山版係數百年前物審其版樣蓋得元槧而翻雕之字畫精整紕謬極少間有其本世稱罕邁余家舊藏一部今據此以考訂坊本之誤按四庫全書總目著錄唐才子傳八卷曰考楊士奇東里集有是書跋是明初尙有完帙故永樂大典目錄於傳字韻內載其全書今傳字一韻適佚世間遂無傳本然幸其各韻之內尙雜引其文今隨條摭拾裒輯編次共得二百四十三人又附傳志者四十四人共二百八十七人

依次訂正釐爲十卷則彼之所存已非完帙所謂十
卷亦成於撫拾之餘者也獨幸皇朝有傳本安得
不珍而傳之乎壬戌仲春月念六日天瀑識其谷

也味尚許宗刻姑不樂大典目錄外輯字譜內錄其
幾畝下千餘人卷曰書謝士查東里樂官張書題景
一游今辨九以香信世本之題楚四輒全書縣曰書
字畫淋漓懸額琳少開音其本世琳罕數余定書類
山頭粉蝶百平前柳審其風熱蓋替元藥而隨觀之
風木下粉十餘天年父氣楚世陳波送快清音琳正
風木下粉題

